

P. 711, L. 6【問訊世尊】《法華經指掌疏》卷 7：「而白下。代師問訊。準前妙音欲來。彼佛但誠令忘情。并無囑以問訊之語。想必有之。蓋經家不敘也。問中先及釋迦。次及多寶者。主客異耳。…問多寶中。先問來。次問住者。明知必來。恐尚未至。又恐既至而不忍久住也。釋迦之道有託。多寶之願無違。即是安隱少惱。如法證事。罷座方歸。即是堪忍久住。」(X33,p.674c9-p.675a12)

P. 711, L. -3【惟願世尊示我令見】《法華經指掌疏》卷 7：「初妙音求見。既承遠召。宜在有緣。至此而不獲一面。豈能自己。故求世尊示見。然妙音不能自見。必待佛示者。事論謂分身散後。塔閉如故。非佛力莫能重開。表法則行不自起。起必依真。若如此乃克符願。爾時下。世尊代請。達妙音之情。以語多寶。蓋欲其重示妙相。以符來意。時多下。多寶現相。當讚善之時。即是現相時也。既能供佛聞法。又能近友取益。故重言善哉以讚美之。供養釋迦。并見文殊等。乃妙音欲來之時。自白本師之語。然此亦難行之事。況夫捨彼淨光。遠入穢土。是為甚難。故多寶舉此。以顯其所讚。非虛譽也。」(X33,p.675a11-21)

P. 712, L. 6【華德菩薩】參考妙莊嚴王品 p. 784:-7。「妙音即是淨德夫人後身」？參考 p. 784:-6 經云：「佛前光照莊嚴相菩薩是，哀愍妙莊嚴王及諸眷屬故，於彼中生。」《法華經演義》卷 7：「以妙音相貌。第一端正莊嚴之者。前釋迦如來。光照其身。而從東來。故言佛前光照莊嚴相菩薩。此乃先前之前。彼品云。乃至於王後宮。變為女身(p.713:-6)。正顯此耳。」(X33,p.299c8-11)兩大菩薩有此前世因緣，故由華德菩薩啟問妙音菩薩功德。《法華經指掌疏》卷 7：「文殊一見便識。華德雖見猶疑。故重問也。又妙音昔為淨德夫人。華德昔為妙莊嚴王。歷世以來。互相起發。故今仍示問。」(X33,p.675b3-5)

P. 712, L. 7【為眾請問】《法華經授手》卷 9：「問意有二：一問始先種何等善根？二問中間修何等功德？以至今日。有是神通力用也。然此問意。本文殊所發(p.709:-3)。而文殊及見色相大小威儀進止。便擲之。不完所問。必假華德重請。復何意耶？曰：文殊之請。本欲顯發妙音。故釋迦不召。而推功古佛。是益見妙音難發也。今既古佛宣召。使妙音遐唱。已得妙音宣揚。即可以完妙吉祥之本智也。至於華德。本居因位。雖見妙音。未證妙智。是必欲尋因求證。又不得不再請垂示耳。」(X32,p.802a1-9)

P. 712, L. -5【佛告華德等】《法華經授手》卷 9：「前是文殊問妙音行體。故佛推多寶。今華德故問行因。因行屬權。所以佛自說也。言過去者。直指云。以妙覺望九地而言。其佛號雲雷音。正九地、十地，善慧、法雲之相。與不輕命終之後。值二千億佛同號雲自在燈同旨(p.669：8)。國號現一切世間。劫名喜見。二俱是法雲、善慧實報之境。以法雲周徧十方說法。所謂現一切世間也。以法施一切。無不喜見也。萬二千歲下。正示妙行之因。按藥王燃身火然千二百歲。過是已後。其身乃盡。是破俱生法執。能所兩忘。便入九地。今云於萬二千歲。亦是表俱生法執能所俱盡。乃入九地。然九地名善慧。故以伎樂供佛。表善慧之法音也。十萬種。表十波羅蜜門。雲雷音者。謂九地證百萬種三昧。十方諸佛所說世界海法門。皆悉領納不失。所以周旋法界。吼震十方。故借師而表其資也。此是九地因行之相。復供八萬四千七寶鉢。此表十地之行相也。至十地時。八萬四千煩惱習氣。盡成真如大用。故以法器表之。由此二事因緣故。生淨華宿王智佛國。此表已入等覺地也。末句結云。如是大因。今生佛家。獲如是大神通也。引此一段。俾本迹兩門。知其九地、十地功勳不凡。應宜効之。」(X32,p.802a12-b8)

P. 712, L. -1【已曾供養、又值】《法華經指掌疏》卷 7：「已曾供養等。謂雷音已前。早已供佛植德。不惟於雷音時為然也。又值等者。謂雷音之後。復值若干諸佛親近供養。則向下之神智無礙者。有由來矣。」(X33,p.675b23-c1)

P. 713, L. 4【說是經典】《法華經指掌疏》卷 7：「準楞嚴觀音應機現身。或為令脫其倫。或為隨分增益。今妙音專為說此。此二士同一說法。而正兼不同。」(X33,p.675c4-6)參考 p.755~757。《首楞嚴經》卷 6：「由我供養觀音如來，蒙彼如來授我如幻聞薰聞修金剛三昧，與佛如來同慈力故，令我身成三十二應，入諸國土。」(T19,p.128b26-28)「三十二應」：佛、獨覺、緣覺、聲聞、梵王、帝釋、自在天、大自在天、天大將軍、四天王、四天王太子、人王、長者、居士、宰官、婆羅門、比丘、比丘尼、優婆塞；優婆夷、女主國夫人命婦大家、童男、童女、天、龍、藥叉、乾闥婆、阿修羅、緊那羅、摩睺羅伽、人、非人身。如後 p. 756 云：此中別明三十三身、三十五身，佛頂經明三十二應，文有開合，義無增減。總而言之，止是十法界身。後文及《文句》云：三十四凡身、四聖人身，結成十法界、六道。